



Ommunis hinc inde querela est, occupari saepe Studiosorum animos disputationum physicarum prolixitate, unde tamen, si vana quædam jucunditas; nulla tamen ad vitam composita utilitas unquam proveniat. Posse enim non in Theologiâ modo, sed etiam in Jurisprudentiâ, summum consecendi apicem, si vel maximè physica hæc absit speculatio: Solos denique esse Medicos, qui, quoties supra empiricos velint sapere, alterum oculum ad ipsius naturæ penetralia reflectant. Interim quām falsa hæc conquerentium sit opinio, & facillimè potest evinci, & ut hoc faciamus, præsentis argumenti conditio postulat. Primo enim, si concedendum omnino foret, neminem quæstionibus physicis esse imbuendum, nisi qui Medicinæ dedisset animum: Pauci profectò ab ejusdem tractatione possent excipi. Siqvidem, quod de Theologiâ afferitur, omnes nos debere esse Theologos, si non professione, tamen confessione; ad Medicinam quoque applicari fas est: Omnes debere esse Medicos, si non publicos, qui ad omnes ægrotorū preces & invitationes sint parati, certè tamen privatos, qui corporis & familiæ curam possint gerere commodius. Et istud quidem Jacobus Focanus Sylvaducensis non inepte in suâ de Studiis differentiatione p. m. 223. ad agnatum suum Jodoc. Lodensteinum prescripsit. Dum Philosophiæ, inquit, operam das, aliquid etiam